

- Nempe tuo canos sensus in pectore gestas,
 Et manibus libros et cultos semine campos
 10 Ore teris uel mente refers, ut plenus odoris
 Frugiferi spinisque carens sis culmus opimus,
 Quo granum superi condaris in horrea celi.
 Te libet hinc nostro mihi concelebrare coturno:
 Inclite doctor aue, pietatis fultus oliuo.
 15 Qua te laude canam? uerbis quibus ora resoluam?
 Materia fandi ductus panagericus extat,
 Copia set pocior fastidia grandia gignit.
 Quique uigere cupit seculo laudabilis actu,
 Muniat hic mentem doctrinæ spermate tantæ,
 20 Conteris unde caput colubri plantatenus atri,
 Allidisque petrae Babilonica germina Christo.
 Namque tuas longum est magnas percurrere laudes,
 Namque suos cursor cum raptim duplicet actus,
 Supprimo plura tacens præconia digna relatu.
 25 Tu quoque cum celi rimeris dindima clari,
 Omnibus es factus, iubet ut pius, omnia, Christus,
 Esse manet nostrum sub quo constanter in aeuum;
 Omne quod est licet ac pure quicquid fore gaudet,
 Id rursus tristem finis capit indere sortem.
 30 Plurima præteriens laudum tibi phillara necto,
 Quem claudunt adamantinis sinuamina cordis
 Vinculis aeterno nectentes secula nodo.
 O meritis felix est cui sapientia nutrix
 A puero uestit, callem quoque præuia nectit;
 35 Cuius in ore pio cordis simul in penetrali
 Infudit flauis sua cerea mella canistris,
 Ut te magnificum pre cunctis semper amandum,
 Pectore sub cuius etiam sibi nobilis aulam
 Struxit et eximia uirtutum luce poliuit.
 40 Unde fluit nobis, qui longis iungimur oris,
 Magnum felicitis plene sintagma salutis.
 Non ego te miror, sanctæ pietatis amator,
 Indole uirtutum uariis rebusque saporum,
 Plebis ut aura sapit, mea uel dilectio credit,
 45 Simplicitate tua quantum decorasse talenta.
 Hanc supra castae conseruas iura columbae
 Astu cum uafri serpentis mente sagaci.
 Denique si uerum constat, quod corporis actus
 Signum sit mentis, animus quoque panditur actu,

v. 15 vgl. Vergil. Georg. IV, 452: fatis ora resoluit. v. 21 vgl. Ps. 136, 8. 9. v. 26 vgl. 1. Cor. 9, 22. v. 30 vgl. Hor. Carm. I, 38 v. 2: nexa philyra coronae. v. 35 im penetrali Hs. v. 44 dilectita Hs. v. 46 vgl. Matth. 10, 16. v. 49 sanimus Hs.